

প্রাকৃতসত্ত্বাতীতত্বঞ্চ তস্য বিবৃতং ভগবৎসন্দর্ভে । অতো যে তাননুবর্তন্তে তে ইহ  
সংসারে ক্ষেমায কল্পন্তে । নবন্যান্ ভৈরবাদীন্ দেবানপি কেচিদ্ভজন্তো দৃশ্যন্তে ?  
সত্যং যতন্তে সকামাঃ । কিন্তু মুমুক্শবোহপি অগ্নান্ ভজন্তে কিমূত তদ্ভক্ত্যেকপুরুষার্থা  
ইত্যাহ—মুমুক্শবোঘোররূপান্ হিত্বা ভূতপতীনাম্ । নারায়ণকলাঃ শান্তাভজন্তি  
হনশ্রুয়বঃ ॥ ১৯ ॥

“অথ” এই হেতু অর্থাৎ সত্ত্বমূর্ত্তি শ্রীবিষ্ণু হইতে পরতত্ত্ব সাক্ষাৎকাররূপ  
পরমমঙ্গল লাভ হইয়া থাকে—এইজন্য । “অগ্রে” পূর্বকালে । “সত্ত্ব  
বিমুক্তং” বিশুদ্ধ সত্ত্বাত্মকমূর্ত্তি শ্রীভগবান্কে । সেই বিশুদ্ধ সত্ত্বটি যে প্রাকৃত-  
সত্ত্বগুণের অতীত, তাহা শ্রীভগবৎসন্দর্ভে বিস্তৃতভাবে আলোচিত হইয়াছে ।  
প্রাকৃতসত্ত্ব বিশুদ্ধ হইতে পারে না । কারণ যে সত্ত্বগুণে রজো বা তমোগুণ  
মিশ্রিত নাই, তাহারই নাম বিশুদ্ধসত্ত্ব । প্রাকৃত সত্ত্বের সততই রজঃ তমঃ  
গুণ সহভাব ছাড়া থাকা অসম্ভব । যে স্বর্ণে তামা পিতল থাকে না, তাহাকেই  
যেমন বিশুদ্ধস্বর্ণ বলা হয় ; তেমনই যে সত্ত্বে রজঃ তমঃ গুণের মিশ্রণ নাই,  
তাহাকেই বিশুদ্ধসত্ত্ব বলে । সন্ধিনী সন্ধি ও হ্লাদিনী এই তিনশক্তির অণু  
নিরপেক্ষভাবে স্বয়ং প্রকাশের ক্ষমতার নাম বিশুদ্ধ সত্ত্ব । শ্রীবিষ্ণু সেই  
বিশুদ্ধ সত্ত্বের মূর্ত্তি অর্থাৎ ( স্বয়ং প্রকাশ ) নিজশক্তিতে প্রকাশশীল ।  
নারায়ণাধায়ে এই কথাটি বলিয়াছেন—“নিভ্যাব্যক্তোহপি ভগবানীকৃতে  
নিজশক্তিতেঃ । তামৃতে পরমাত্মানং কঃ পশ্যেৎ পরমং প্রভূম্ ॥” শ্রীভগবান্  
যতপি নিত্যই অব্যক্ত অর্থাৎ কোন সাধনেই তাঁহাকে প্রকাশ করিতে পারা  
যায় না, তথাপি তিনি নিজশক্তিতে অভিব্যক্ত হইয়া থাকেন । তাঁহার  
নিজশক্তি বিনা সেই অনন্তস্বরূপ প্রভুকে কোন্‌জন দেখিতে সমর্থ হইতে  
পারে ? অতএব যাহারা মুনিগণের অনুগতভাবে ভজন করিতে পারেন,  
অর্থাৎ দেবতান্ত্রের উপাসনা ত্যাগ করিয়া একমাত্র শ্রীভগবান্কেই ভক্তি  
করেন, তাঁহারাই এ সংসারে ভগবদর্শনরূপ মঙ্গললাভের অধিকারী হইয়া  
থাকেন । ইহার মধ্যে একটি প্রশ্ন হইতে পারে এই যে, অণু ভৈরব-  
প্রভৃতি দেবতাগণকেও কেহ কেহ ভজন করিতেছে—ইহা দেখা যায় কেন ?  
তাহারই উত্তরে বলিতেছেন—ইহা সত্য বটে, যেহেতু তাহারা সকাম । কিন্তু  
যাহারা মুক্তিলাভের ইচ্ছা করেন, তাঁহারা ভৈরব প্রভৃতি দেবতাগণকে  
ভজন করেন না । আর যাহারা ভগবদ্ভক্তিকেই পরমপুরুষার্থ বলিয়া  
জানেন, তাঁহারা যে ঐ সমস্ত দেবতান্ত্রগণকে ভজন করেন না, তাহা বলাই  
বাহুল্য । এ কথাটি একটি শ্লোকে দেখাইতেছেন—মুমুক্শুগণ ঘোরমূর্ত্তি, ভূতপতি